

CMYK

CHAMNA AW PHUNGUVUKNA DING	
1. Chief Patron	- ₹ 5000.00
2. Patron Member	- ₹ 4000.00
3. Diamond Member	- ₹ 3000.00
4. Gold Member	- ₹ 2000.00
5. Silver Member	- ₹ 1000.00

Published by Rev. Thangkhosemi on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.

Alak man apat ₹
If undelivered pliz return to:
ESC SECRETARIAT,
Chiangkawmpang, Churachandpur,
Manipur - 795158

Chamna Aw
(Evangelical Monthly)
Regd. No. 64436/96
E-mail:e7s7c7@gmail.com
www.synodchurch.com

To:

PIN

Chamna Aw



Chamna Aw

(A Monthly Organ of the Evangelical Synod Church)

Vol. XXXI


No. 3

June, 2016

12 June
CHILDREN DAY



19 June
FATHER'S DAY



2016 Kum thupi:
KHAWVAK CHATE BANG IN UM UN

Eph: 5:8

Editor: Rev. Thangkhosemi

Chamna Aw

SUOPAT KUM 1986

ə sunga thu umte

- Editorial 01
- Solfa Training Report 03
- Pathien mi hidingga
chapang etkawldan 04
- Pate Ni 07
- Father's Day 09
- Lawhtitna kiti hih bang ahim? ... 10
- Thagau lam puitute 12
- Bangziek a Missionary
hilo kahim? 15
- Nei panpih thei dem? 20
- Mangpha or Chibai 23
- Dahna chunga kipahtu genna.. 25
- Giel leh huih zieka a ESC
min a panpihna kipiete 2016.... 26
- Meitei Mission 2016 27
- ESC Pastors' orientation 30

- EDITOR ANA HITE
1. Upa Lalkhoin 1986
 2. Rev. Khaigin Gangte 1987-2005
 3. Rev. Lamkhawsat 2006-2013

Vol. XXXI No. 3
June, 2016

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Pauhomang B.D.

Contributing Editor:
Upa Th. Mangnul B.A.
Rev. T. Kampu M.Th.
Rev. Henholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuh cheng hi ESC Ngaihdan ahi vek khel puoi. Article zikte'n a mawh a kipuok chiet ui.

PRINTED AT
THAWSAAU PRINTING WORKS
CENTRAL LAMKA

CHAMNA AW PATRON MEMBER LIST

CHIEF PATRONS:

- | | | |
|-----------------------------|------------------|------|
| 1. Pu S. Paukhola | Chief of Bunglon | 1994 |
| 2. Ebenezer Chapel | D. Phailien | 2014 |
| 3. ESC Shillong | Shillong | 2014 |
| 4. Mr. S.K. Juliania | Lamphei | 2014 |
| 5. Nk Sawmte K. Gangte | Fujairah, UAE | 2015 |
| 6. Nk Esther Tinglamkim | Gangte Veng | 2015 |
| 7. Pu Thangzago (K.Vawmcha) | Chiengkawnpang | 2015 |

PATRON MEMBERS:

- | | | |
|--------------------------------|-------------------|------|
| 1. Pu Henkhojam | Siempat | 1994 |
| 2. Sep. L. Gangte | 5th Assam Regt. | 2003 |
| 3. Dr. Lalazdal | Chiengkawnpang | 2004 |
| 4. Upa Niala | Shillong | 2004 |
| 5. Pu P. Gangte | Shillong | 2004 |
| 6. Pu B. Manga | Shillong | 2004 |
| 7. Pu S.T. Gangte | Shillong | 2004 |
| 8. Pu Lakkithang | Delhi | 2004 |
| 9. Rev. Dr. Soson | Dimapur | 2007 |
| 10. Rev. T. Kampu | Guwahati | 2008 |
| 11. Pi Phalneihthiem | Dehradun | 2008 |
| 12. Pu B.K. Gangte | Dehradun | 2008 |
| 13. (L) Hengo | Chief of Chongmun | 2010 |
| 14. Upa Dr. L.S. Gangte | Chiengkawnpang | 2011 |
| 15. Pi Niengzalam | Chiengkawnpang | 2011 |
| 16. Pu Sangvung | Chiengkwanpang | 2011 |
| 17. Pu S.K. Gangte | Shillong | 2011 |
| 18. Pu Lovejoy | Kohima | 2013 |
| 19. Pu Goginthalang | Shillong | 2013 |
| 20. Pu L. Minlun Gangte | Shillong | 2013 |
| 21. Pi Lalkim | Shillong | 2013 |
| 22. Hav. H.L. Gangte | Shillong | 2013 |
| 23. Ms. Grace Lalbiek | Guwahati | 2013 |
| 24. Pu L. Nehsiel | Shillong | 2013 |
| 25. Pu Lamtinlien | Shillong | 2013 |
| 26. Pu S. Thienlaljoy, SDO | H.Q. Veng | 2013 |
| 27. Pu L. Sawia | Gangte Veng | 2013 |
| 28. (L) Lt. Col. L. Gangte | Chiengkawnpang | 2013 |
| 29. (L) Upa K. Manga Gangte | Shillong | 2013 |
| 30. Rev.Dr. Th. Lamboi Vaiphei | Hill Town | 2015 |
| 31. Pu K. Pauboi Gangte | Chiengkawnpang | 2015 |

DIAMOND MEMBER:

- | | | |
|---------------------|----------------|------|
| 1. Upa Lamkhodem | Chiengkawnpang | 2015 |
| 2. Mrs Felli | Chiengkawnpang | 2015 |
| 3. Moizokim (Chloe) | Lamphei | 2015 |

GOLD MEMBER:

- | | | |
|---------------------|-----------|------|
| 1. Pi Niengneihchoi | New Delhi | 2014 |
|---------------------|-----------|------|

SILVER MEMBER:

- | | | |
|----------------------------|-----------------------|------|
| 1. Pi Sailothangi Thangzom | Old Lambulane, Imphal | 2014 |
| 2. Antioch High School | Abicharan Tripura | 2014 |
| 3. Upa Thanglal | Bijang | 2015 |
| 4. Upa Laltinthang | Gangpimul | 2015 |



School Bus
SYNOD FOUNDATION
ENGLISH MEDIUM
SCHOOL,
Lefunga, Tripura (West)



Synod Church Foundation Stone laid by:-
Rev. Thangkhoiem, Exe. Director, E.S.C.
at Lefunga School Campus.

Editorial

Chamna Aw Simtute cheng cheng, Pa Ni kipahum leh Naupang Ni (Happy Father's Day & Children's Day). Hun I mat uhi Pate lopina piekna ni; Pate mawhpukna athak a etkitna ni leh Chate lulna muhdawkna ni hi chiet thei dingin Pa, Pathien hopihna leh puihna thak hung hi chiet hen.



Pate chuh Inkuon luchang dinga Lalpa'n a siem ahii ziekin, Nu chun lungsietna tawh, deihsakna kithuoh in a en zing hi. Chate chun pa chuh panpih (support) ding leh puitu (guidance) hi zing dingin a en zing ui. Tuni hin Pate leh chate kitimatna enkhawm in ei mau Insung dinmun chiet enthak dingin panla chiet thei leuhing; Insunga vangsakna thak pate leh chate zieka hung lut ding ahi.

Tulai khawvel dinmun etin, Pa zieka Insung beidawng leh lungzing tamtak aum ta a; chuleh chate zieka Insung lungzing, beidawng leh mitthiluong tamtak aum hi kiti leh genval hilo ding ahi.

Insunga pa mawhpukna: Zi leh chate chunga mawhpukna hi Lalpa Pathien in a piek ahii ziekin, Insunga pa mawhpukna kheltha thei dinga pawimawh thildang bangmah aum thei puoi. Chate chunga a mawhpukna chu kuomah kawma pieksawn theih ahi puoi. (Father's duty to his children cannot be transferable). Tuni a pate'n I ngaihtuoh thak ding ua pawimawh chuh Chate chunga I mawhpuknau hi ngaikhawk thak hitiu. Pa khenhatte chun chate etkawlna hi anu ka set ahi ti pawl le aum hi. Pate mawhpukna chuh nute pieksawn theih ahi puoi tih hetthak apawimawh hi. Pa tawh cha kikal hisel chiet I hinau em? Sukdam ngai aum em? Bangpen a panlak thak ding ahim tih ngaihtuoh hitiu. Pate nungchang leh hihna hi chate a kipiesawn zel thei ahii dan hetzing apawimawh hi.

Vicky Huffman kiti hin amau Insung thu a apa chungchang a gendan ana en hitiu. "Ka pa chuh a gilo ahi ka tihna ding ka he puoa, amah chuh Air Force Pilot ahi. In a um manlo ahii ziekin ka pa tawh kichanauna (relationship) ka nei tawm mah mah ui. Zieziekchun ka pa chu a lauhin ka lauh thawh hi. Ka zi neih nung chauh in ka pa ka lauhna abei hi. Ka nu'n ei hilhna ah kapa chun ei lungsiet mah mah hi tih ka he a, ka ginchak thawh ahi. Ka pa'n ei lungsietna thu ka kawma genkha hileh, ei lungsiet dan lienzaw sema he ding ka hi."

INKUON NIH CHANCHIN CHAWMKIM:- (1) **Jonathan pa chuh Erward ahia**, a zi chuh Pastor chanu khat ahi. Amau khanggui kisutna a, Amau Insungin America gama dinga napha a sepdawk u chuh gensenloh leh Nama dinga vangsa kna tuntu ahiu hi.

- Mi 14 tieng chu College President ahiu hi.
- Mi 100 sanga tam chu College Professor ahung hithei ui.
- Mi 100 sanga tam dangte chuh Danthiem (Lawyer) ahung hiu ui.
- Mi 60 chuh Doctor (physicians) ahung hiu hi.
- Mi 100 sanga tam chuh Pastor/clergymen leh Missionary, Theology professor ahung hiu hi.

Inkuon nihna Juke Inkuonte chuh:-

- Mi 320 chuh mi chagah khutdawh hi a het ahi.
- Mi 440 te chuh a nungchang hawihlohnna zieka a taksau suksietsaka um ahiu hi.
- Mi 63 te chuh gucha, khutthemnei a vak ahiu hi.
- Mi 130 dangte chuh Danbawhsie (criminal) a het ahiu hi.
- Mi 55 te chuh mi thanghuoi leh ten-um a khuosa a het ahiu ui.
- Mi 20 vel chun thiemna chuom chuom a nei ua, mahleh atawpin suongkula khumvek ahiu.
- Asielam A Inkuon minthangte laka chun mi 7 chu tuolthat (murderers) ahung um dawk hi.

Khaile Pate, eimau hin bangtienga Insung a kisaklawkna nei I hiu em? Tunung leh Insung bang hungti zel leh tih I deihum? Pate khuta kinga ahi. Tulai taka Insung dinmun hi abit leh hawih ahi na'm? Banglam lama panthak lak ngai ahim? Kingaihtuoh chiet hitiu. Insung mawhpuokna ngaihthah chu, tununga kisikna hung hithei ahi. Avaigeih takluotma'n panthak lai tiu (Thuchingte 22:6).

Naupangte hi Pathien akipata Golul I chanteu ahi. “**Pathien in lungsiet taka na suok a piek Naupanghaw ahiu khu**” (Thilsiebul 33:5). Chate hi Pathien in amuh leh a et bang a et chu apawimawh hi. A lulnau leh a pawimawhnau hi Pathien tihdan bangtaka het apawimawh hi.

NAUPANGTE NI (Children's Day) zie ni pawmawhtak hun ahin Naupangte Pathien thu a tilkhohna leh Naupangte hi Pathien thupiek banga Nu-le-pate leh Hotute thu thu a um ding ahih dan athaka hetdawksak kitna hung hi henla; Nu-le-pa leh Insung mite a dinga puokgik hilo a, kipahna



SYNOD FOUNDATION ENGLISH MEDIUM SCHOOL,
Lefunga, Tripura (West) Top Floor.
Unveiled by: Elder Th. Mangn-gul Gangte, Exe. Chairman
E.S.C. (7th May, 2016)



SYNOD FOUNDATION
ENGLISH MEDIUM
SCHOOL, Lefunga, Tripura
(West) Top Floor. **Dedicated by:** Rev. Thangkhosem
Gangte, Exe. Director
E.S.C.(7th May, 2016)



SYNOD FOUNDATION
ENGLISH MEDIUM
SCHOOL,
Lefunga, Tripura (West)
Top Floor Inauguration 7th
May, 2016
(Group photo)

Chamna Aw ESC PASTORS' ORIENTATION



Date 25th – 28th April, 2016 sung in ESC Office ah ESC Pastors' Orientation Programme lawhting taka neih ahi. Zie hunsunga puitute chuh:-

Resource Person	Subject
1. Rev. Mangkhokam, B/S. Saichang Biel	- Church Ordinances
2. Rev. Thangkhsiem, Exe. Director, ESC.	- Assessment of ESC.
3. Rev. L. Sata, Former, Exe. Director, ESC.	- Discussion
4. Facilitator	- Pastor Khailalsiem
5. Prayer Fellowship Led by -	(1) Rev. Mangkhokam, B/S. SB. (2) Pr. Th. Mawia, B/S. TLK. (3) Rev. T. Doukap, B/S. PB.

Zie Orientation ahin, ESC chiehdan leh sepdan tampi haw genkhawmna leh sep zel dan ding zilkhawmna neih ahi.

Chuleh, Biel Superintendent te mapuihna'n pauchamkhawmna neih ahi.

Chamna Aw

subutingtu ahung hih zawkna dingun, Chate sinsakna leh etkawlna I hahbawl uh a pawimawh hi. Chuleh Chate a ding a Hun atamthei pena piekdawk a, kipat thak chiet dingin apawimawh hi. Chate chiehna ding lampi kawkmuh dinga panlak thak ding. Chate ahun a thununloh chu tununga dinga vangsietna ahi.

Chate chengin het dinga pawimawh pen leh mawhpukna chuh:-

“Banagakai ah na Nu leh pateu thu’n nung un” Kolosa 3:21. Chate a dinga a duty thupipen chuh Thu-awihna ahi mai hi. Nu leh pate thu-awihlohma chu bang chenga dinga vangsietna ahi tih hi bangtik leh chate'n a zildawk ding ahi ta'm? Thil cheng cheng hi a kikhel um thei ahih ziekin akikhelh masanga hi eimau duty chiet hi Pathien mina hih ta dingin panla chiet hitiu.

•••

SOLFA TRAINING REPORT

Mr. S.L. Son Gangte B. Min.



Date: 25th April, 2016 – 2nd May, 2016 sung in New Lambulane E.S.C. Ho-In ah Khanglaite makainha'n Tonic Solfa Training neih ahi a, kinep khel in nuomtak leh lawhting tak in Training zawh ahi.

Training a pang hi Pasal 7 leh Numei 6, abawn un mi 13 ahii hi. A thatlawp dan uleh a gunchuh theih danteu ka et in thatnawp um ka sa a, training a kibawlna lakah anuom leh alawhting pawl ahi. Nikhat sung in dakkal sawm training na'n mat ahi a. Class hi ahunchet chet in kituptaka mat/pat ahi.

Chun, melchiktak khat chuh, training te kawm ah “*Solfa hi na hetnuom ua, na zilna ziek uhi hun gen tiem u?*” ka tih lai in, hiti hin dawnna ei pieu ahi, “*Lalpa nasep hi hat zawsem leh hawihzaw sema ka sep theihna ding leh I sapchuom, I gam, I namsung thagau a halhthaknate atun theih khawp ding kinepna leh tupna a ka zil/training ahi,*” ti'n ei dawng chiet mai ui. Lopii leh kipah um ka sa'n, Lalpa'n a tupbang tak ua lamzang zel di'n amau pui zel hen, tih deihsakna lientak tawh kipahtu ka gen ngal ahi.

Chuleh, Junior leh Primary Course Exam sak ahinhna bang in Certificate hi mi 12 in amu a, piek ahii hi. Amau a ding tieng leh midang le hilh/sinsak theihna tieng hetnuom nei in, kipah-um tak in Certificate piekdawka/hawpdawka chuh neih ahi. Local Sapchuom a nulepate'n le hahpi'n pan a lau a, chate nungak, tangvalte tilkhoh in pan a lau hi. Ettawn tak leh kipahpih um mah mah chu ahi. Chun Bible chang, 2 Khangthhubu 20:21-24, na hi Thupi a mang in training neih ahi a. Juda Leng, Jehoshaphat in a galte'u Moab leh Amonte do di'n lasa pawl/Choir a form ta mai a, a pauchak uh Lalpa'n amau tello in a galteu a zawsak ta mai a, pauchak tak Pathien chu a lung sukha'n, a kipak ngei hi tih ei muhsak a, Lopina Lalpa chang hen. Zie guol ngei a ei Sapchuom in le Pahchakna la/music hi namat a, lunglut a panla te hi chiet di'n Lalpa'n Sapchuomte ma pui zel ta hen.

Chamna Aw
**PATHIEN MI HIDINGA
CHAPANG ETKAWLDAN**

Mrs. Kimboi(Moikim)

Chapangte Pathien mi taka ahung khanletna ding ua atunung thu ding uh ah tup khat I neih uh akul hi. Pathien ahehpih uh a, a het uh a kulhi. Bible chun, Naupang chu a chiehna ding lampi kawkmuh inla, a hung upat tieng lele thahtham puona (Proverb 22:6).

Nangmah hun entawn zing ahih ziekun, paucham dan, Bible simdan, Bible deihdan zil dawk sakin. Kristien inkuon hi inkuo kituok leh kipak taka kithuoh khawmna mun ahih ding ahi.

Chapang hih ahung khanlet hun uhin, ginna hatlo ahiu. Pathien lama hatlote hinkhuo amuh zing uchun Pathien zahna lehngaihnatna tasam ami ahiu hi. Timothe leh api leh anu ginum zieka mattheih ahung hih dan I muu hi (I Timothe 1: 5).

Pathien deihdan dungzui a chapangte hawih taka I sinsak uchun, chapa pil siemdawk hiting un, pate a ding a kipahna hiding ahi (Prov. 10:1; Deut. 6: 6-7)

Na chapate Pathien tawh akimelhet theihnaun mun phapen chuh "In" ahi. Chuleh insung hi thilgelna mun phapen ahi. Khutichu ahih ziek in, naupangte dindawkna ding hawih taka I guongalh sak diu ahi. Chapangte thagau lam a a khanletna dingun thil thum het akul hi :- (1)

Pathien chu thil bangkim siemu. (2) Van Pathien, hehpihna a dim leh kithuohpih ding (3) Diktaka hin, hindan dik apawma, hindan diklo a hawt ding.

Biekin hih chapangte'n Pathien thu a zilna ding ua mun pawimawh ahi. Naupang chu Biekin hawihtaka a kaihna muna a seilet chun Pathien hetna tawh hawihtakin akhangto theihi.

In hih mi tin chenna in ahia, I holim dana patin I tup leh I nungchang a hung pawt ngal hi. Lunghim thiengtho I mamawh ui. Isu'n lungthim thiengtho eipie thei hi. Naupangte kiengah nungchang phatna hette chuh hilh in. "*Mite mitmuh a thil kilawm ngaihtuo in*" (Rom 12: 17). Nungchang chu, umdan pha mahni kithununna, deihtelna thilhiththeihna leh thilchin thuguk chu ahi. Nungchang hih thilpiek hilo in thil khat I muolsuoh chu ahi. Nungchang hi awl awl ahung khanglien ahi. Nikhat thua piting zieng ahipuoi. Nungchang hi

Chamna Aw
KHULLAKPAT LEIKAI



Pathien diktak ahun hetdawk ua, Isu Krista kumsawt gitloh ngaihdamna ahun hetchiet ua, Kristien hinkhuo hawih tak a amat theihna dingun I pauchamnau ah ngetpih zing hitiu! Lopina Lalpa chu limbawl leh pahchak'in um hen! Amen!

•••

MUOL EI LIEMSANTAI

**PU NB THANGJOM-77 yrs (1939-2016)
KKP Founder**



Pu Nguldal (NB Thangjom) hi (L) Upa Thouhpau leh (L) Pi Khawlchin chapa upapen ahi. Kum 1939 in Santing khuo ah apieng hi. Kum 1961 7th January in Pi Tharkim tawh sapchuom danthieng in ana kicheng ui. Cha gila gah pasal 3 leh Numei 5 anei ui. Thiemzilna lam ah Mission Compound leh Imphal a Adimjati Hostel pansan in lehkha ana sim hi. 1963 kum in Evangelist Teacher, Manipur Christian Synod nuoi ah anasem pan hi. 1969 in School Inspector na asem hi. Zie nung chun NSSU Superintendent na asem a; kum 1980 in Nasik ah Child Evangelism Training in ana kuon a, lawhting takin Training ahun zo hi. Amah hih kum 1956 a KKP Founding Member pawimawh tak ahia, kum 1957 a KKP khawmpa masa pen a mi pawimawh takle ahi. Kum 1985 tieng Mission ah anasema, ana kichawl hi. Amah hi mi thutak lungchangneitak leh asepna lamphawta kuhkal, tihtakna nei mi ahi. Kum 2 sung vel Asthma natna thuok in 10 May 2016 7:00pm vel in amuon Lalpa ansung ah ana chawldamtai. Lusun insungmite Lalpa'n thamuon in umpih zingta hen.

SAGOLTONGBA LEIKAI

Khullakpat, Bishnupur : Independent Church of India ah, April 20-22 sung'in Bible Seminar neih ahi. Kristien hih mi 35 vel chauh hung kikhawm ahiu a, mahleh Kristienlo hunteng a hung kikhawm ui. Lalpa Nasep Thilmak 2 a tung hi. Akipat zan apat in Chanchinpha kigen, Pau-ngeihna 'Mike' apat Leikai mite het dinga kisiem chu a hung kikhawmlo, Hindu te chun amau amau kawma thu kigen bang in ana zau hi. Thildang buoipih zieng theilo in, a In In u ah ana ngai thou hi. Ani khatni in Vengsung mi Hindu upa haw hun tingle a thil zakteu maksa tak kawmin chanchinpha ngai dingin a hung tel pan ui. Pathien thu kigen chu mak asau a, a ngainuom mah mah ui. Zan dak 9 vel a gitloh, thihna, gawtmun thu gen zawh a, zingleh Chanchinpha Krista Isu hehpihna, migilote gitlohma cheng cheng ngaihdamna thu gen ding ka tihleh khenkhat anuom puou a, Hukdamna thu gen zawmin tin a hun ngen ua, kipak takin gen zawm kit ahi. Mi khenkhat in Krista hehpihna, Kumsawt Tatna chu hechien in hukdam kipahna a chang ui. Chanchinpha aki gen lai in Leikai mite chun Ho-In chung ah vak (Manga'n) lientak ana mukit ui. Tichun Vengsung mite chun maksatak kawm in ana genzak ua, zieziekchun Ho-In a Pathien Thu ngai ding'in mi a hung kibeh tozel hi. Leikai a Youth Society Leader khatle hung tel in, Ho-In chunga vak aum mak asak thu gen kawm in Guonggalh Pawlte kawmah kipahpihna sum le ana piei. Zie vak maktak thu zieckchun a tawpzan in km.3 a gamla a Hindute Pathien Thu ngaitha dingin a hung kikhawm ua, atawp zan in mi asung leh apawlom ah kigawm in 150 val akikhawm zo hi.

zilding, chuleh heta, neih den chi ahi. Chapangte hi nungchang phataka ahung khanlet nadiu hi na giltak, haksatak ahihna banah mihing khat siem I hia thil kipak um ahi. Naupan lai hunnih lungthim thatho tak leh kihawng taka holim hun ahi. Isu'n le, pitingte hin naupangte hi I ettawn diu in agen hi. Chapangte guola I um louh uchun Pathien gam lutlo ding I hiu.

Naupang in piting azahna chuh kithununna hi ahi. Piting tamtak le alunghim nat ngawih ngawihna'u hih neulai a kithunun zawh louh ziek ahi. Kithununna hi bangtin I hethei dem I tih leh, thumatna apat hettheih ahi. Kithununna gahsuoh chuh thu awihna hi ahi, chun thu awihna chun kipahna agahdawk sek hi. Micheng hin kithununna kizil ding ahi. Mahni kithununna hi thil pawimawh mahmah ahi. Abulpi or azungpi chu nulepa thu matna apat akizil dawk ahi. Insunga kithununna hih, gel det det ding, akichel ding, adet ding, chuleh hehpihna tawh thunun ding ahi. Chapangte in thununna'u chuh abil ua le azak diu, amit ua le amuh diu ahi. Kithununna hih hinna lampi kisinsakna ahi. Daniel leh alawite khale insunga phataka kithunun mi ahihziek un, mi gama aum un le zu-le-sa ane diek puou (Daniel 1: 5-8).

Pathien thu a naupangte ahung khantouhna dingun aginnau chawhhalh sak zingin. Pathien a mihiatte chanchin genpihsek in. Naupangte nicheng Bible sim dingin til/sinsak in (Sam 119:9).

Thagau lam thilte ngaihkawk pen a neih ding ahi (I Tim. 4: 8). Mi zahdan ding hilhin (I Pet. 5: 5). Naupangte masanga ngaihdan/lunghim thieng tak neiin, Chapangte hih dan leh muol zah dinga hilh ding ahi (Rom 13: 1).

Thununna hih chapang ading chauh hilo in pitingte adingle ahi. Chapang hawhi Pathien mi taka ahung khanglet dingun nu le pa tele kithunun taka um apawimawh hi. I thugen sau hih dettaka chiehpiah a kinungzuk louh ding ahi.

Naupang thunun a um chuh naupang kipak ahi. Naupang I sinsak/thunun guot laiin lungsiet takin hetthiemma I behlap ngei ngei ding ahi.

Nu le pa pil chu achateu aut ut un a um sak puoi. Amau a dinga sietna ahih amuh ziekun. Chapangte'n nu le pa deihdan tawh kituok a anget uchuh hihsak ahi sekhi.

Chapangte adinga pauchap dinghii ka mawhpuok ahi. Lalpa Isu'n keia dingin kapkiu inla nachateu ding in kap zawu in atii (Luke 19: 41-44). Isu'n mi mangthaite dinmun hih

Chamna Aw

athuokzo puoi. Jeremiah'n le "Aw ka lu hi tui hihenla, ka mit hi mit tui adingin tuikhuk himaileh" tin akap hi (Jer. 9:1). Nu le pate'n chate etkawl dingdan thua Pathien dawt ding, paucham ding, Pathien thu hawihtaka I hilh u chun, zui ngei ding ahii. Chapang hi Lalpa apat gochan, I khut u a thil lulpen, Pathien in eipiek u chuh ahih hen, na chate chu pawm inla aum dan/adeihdan uh hetthiem pihin Pathien in nu le pate haw eikawlsak, kipahman chuh ahii. Aluldan chu Pathien apat go chan leh kipahman ahi.

Nu le pate'n eiuh a eipuoi, Pathien in talent eikawlsak ahi tih hechien

in hehpiah takin Krista'n ei mi gilote eihehpih a, I ding u a akipiek guolin I chateu thagau/thisan man hih Lalpa'n in-sak, in-thang, beh leh phung leh adang dang lak a ngen lo in nu le pa ei haw kwm ngei ah ahi anget ding tih hen panthak laitiu, I chateu dingin nikhat sungin bangzah, bangchan Lalpa kawma I paucham em? I chateu tawh holim khawmna hun bangzah I pieu em? Ki-enchien thak hitiu, tih deihna ziekin zie article E.U. Ulrieh in "Blessing" a azik lakchawm hih kahun zik sawn ahi. Pathien in chapangte Pathien mi hidinga siempiting dingin nu le pa dinmuna um cheng cheng malsawm ta hen.

•••

KIPAHTHU GENNA

Tuchung Saichang Biel in ka thiltuok uh Gielpi nasatak in ka In ka loteu ei suksiet sakna chung ua, ei lungsiettute, ulenau muntin gamtina sumlepai, thalezungte senga panpihna ei hun piete cheng cheng leh Government lama I Officerte leh Relief Team te, YMA makaitute, YMA Relief Team leh Huihchim Media Staff te, amuna hung mu a, kilainatna thilpiekte ei hung piete, Sapchuom makaitute'n nei ngaihkhawnau leh nei thawkpihna ziek ua avel avela ei hung tawhtha a, panpihna thilpiekte ei hung piete cheng cheng chung ah kipahtu ka hun phuong ui. Mi gimtheite panpih ngaite panpih zel thei dingin taksa leh thagau ah Pathien in hun malsawm chiet ta hen.

*Na lungsietnau dawngtu,
Upa Th. B. Paua
Santing-L
May 22, 2016*

Chamna Aw

MEITEI MISSION : 2016



Rev Dr Ellien Gangte

Thutak hun heu in na tin uh, Thutak chun hun zalen sak ina. Johan 8:32

Moirang College Gate : Independent Church of India ah, March 24-27 sung'in Bible Seminar neih ahia, Lalpa Pathien in A hehpihnna nasatak A lat sak hi. Meitei Kristien aum haw hih Bible thu, pienthakna, gitloh ngaihdamna leh Kristien hinkhuo ah chienlo tampi ana um ui. Thilsiebul apat Thuphoun chan in Bible thutak ahihna leh Krista Hukdamna thu akigen a, mi hun tieng in kumsawt tatna gingcha in, pienthakna a nei ui. Zieziekchun Meitei Mission hih mun chuom chuom ah a hung machal tozel hi.

MOIRANG COLLEGE GATE LEIKAI



Sagoltongba, Imphal West : Independent Church of India ah, April 9-10 sung'in Bible Seminar neih ahi. Kristien hinailo, Hinduism sakhuo aum pa-leh-nu hita mi 40 val ahung tel ui. Pathien Thu angai nuom mah mah ui. Setan nasep le ahat a, gilkial a kiphin le ahung um un, sermon sukhaih aum in an ka neu ui. Himahleh an nek zawh in a tamzaw Ho-Insung ah lut-kit in mi gilote dinga gitloh ngaihdamna chanchinpha aki gen a, mi 12vel in Krista Isu ngaihdamna chang'in pienthakna anei ui.

GIEL LEH HUIH ZIEKA HAKSATNA TUOK ESC MINA PANPIHNA KIPIETE 2016

Vangsiet um tak in, Date 23rd April, 2016 ni'n Saichang Biel sung ah Gielpi aiek ziekin, In tamtak giel in a sepsie a, buoina huoisie tak I Sapchuom leh mipite'n a tuok ui. Zie banga haksatna tung he taphawt lung akhawih a, Govt. Lam, YMA lam leh Sapchuom in theihtawp suoh in panpih dan ding ahun ngaihtuohna ziekun, Government lam a DC, MLA leh YMA puitute chung ah Sapchuom thasang in, Pathien min in kipahna thu, Chamna Aw mang in ka hun sulang hi. Adiek in, YMA lawiupate, amuna vadelh a, Relief bangkim ngaihtuoh leh panpihna pie a, tha tamtak sengte Lalpa'n vangsak ta hen.

ESC Sapchuom sukhaka umte panpihna dinga Relief Fund paisa leh Anchang huntuokte chunga kipahna alien diek hi. Tuchung vangsietna I tuok uhi Sapchuomte I kilungietnau suklatna lientak khat ahi. Sapchuom a pan hunlate cheng, gimthei leh haksate panpih zel thei dingin Lalpa'n vang pie chiet hen.

ESC Sapchuom sunga tuchung

gIELPi'n a suksiet Khuo leh panpihna ESC Sapchuom in a piekte chuh anuoia bang hi ahi:-

1. Maumuol - Rs. 20,000/-
2. K. Zoar - Rs. 15,000/-
3. Santing-I - Rs. 25,000/-
4. Santing-L - Rs. 20,000/- leh Sunday School Inchung ding langva Bundle nih leh ridging piek ahieu hi.

Asuksiet In zah leh khuo min:

- | | | |
|----------------|---|----|
| 1. K. Zoar | - | 20 |
| 2. Maumuol | - | 18 |
| 3. Santing | - | 22 |
| 4. Santing 'L' | - | 50 |
| 5. Chawngchin | - | 5 |

•••

PATE NI (FATHER'S DAY)

1. Ahung kimat pat dan:

“Pate Ni” a na mat masak na pen u chuh USA Washington a The Spoken Ministerial Association khan 1909/1910 in a na mang pan ui. Mrs. John Bruce Dodd kiti hin Nu ni (Mothers’ Day) a thu kigen angaihthakna a kipat Pa lul zie leh a pawimawh zie ahun muhdawk a kipatin Pate Ni hile kimang leh phana tih angaihtuoh a, zie apat achuh hung kipan ahi. Pate Ni kiti hih mun tamtak achun June tha a Pathienni thumna (3rd Sunday) hih a mang sek ui. Zie thu hih, hun bangchan ahim chuh kuoma'n a he taluo puou a, ahi'n mun khenkhat achun Pate zahna latsakna a amatdan tangpiu chuh ahih leh pakcha Rose pak San leh a Vam tih haw leh Thingnah Hing (green leaf) haw hin a kichei deuh sek ui.

Mrs. John Bruce Dodd hih neucha ahih lai in a Nu'n a thihsan a, apa William Smart chun amau haw unau gup ahun enkawl a, ahung piting tau hi. Apa hih America Civil War ale nasa tak in ana pang hi. Zieziek chun Mrs. Dodd chun apa, nasep taima, miphah tak leh kuhkal leh kitup, chate lungsiet thiem tak Pa ahi tih a muchien mah mah hi. Anu thi ta mahleh, apa chun amau unau gup chuh lungsietna nei leh hehpikh tak mai in a enkawl a, Insung nuom takin a um ui. Khutichun, a chate chun apau zah leh limbawlna ding chun pan nasa takin ahun la tau hi. Khutichun Spoken Church a Pastorte kawm achun ana gen u a, June tha a Pathienni thumna chuh “Fathers Day” ti'n special takin ahun mang pan tau hi. Zie a kipat chun America gamsung a

Sapchuom dang dang tenle zie ni chuh ahun mang sau sau tau hi. Hun a hun chieh zela, khawvel pumpi a Sapchuom te'n le ahun mang pan tau hi.

Zie ni a Chanchin Pha genna ahih Pastor/Minister te chun Inkuon ading Bible piekna (Present) hun lemchang ahi a, Bible ahin Pate dinmun bangti'n ana gen em tih haw muhdawkna dinga, Bible sim dinga tilkhouna hun ahi sek hi. pate chona (Challenge) hun, Pate chun hih dan vantanga Insung mawhpuokna Nu chunga ngatha mailo a, Thagau lama puitu (Spritual Leadership) hihna nei ahih a kihetdawkna dinga chona leh chielna hun lemchang ahi.

Zie ni a thugenna a phachuom pen khat chuh “Mi khat chanchin”

Chamna Aw

(Biographical Sermon) manga thugen ahi. Bangzieka Pa khat chuh lawhsam a bangzieka Pa dang lawhting ahim tih Pastor chun a suklat ding ahi. Sapchuom a pate chuh changtak ahim velkuol deuh (direct or indirect) a kigente chuh hethiem ding leh thuokhat dinga siem thei ahi.

2. Kikhawpna hun matdan bik khenkhat:

- (1) Pastor chun zieni chuh kipak kawm taka matding ahi.
- (2) Matchak ding tampi um lakah zie ni chu tawh kituok pen ding chuh atel ding ahi.
- (3) Nu leh pate'n naupangte hinkhuo siemna Bible a etsakna hawihtak tak etsakna a matding ahi.
- (4) Pastor chun Bible apat a etsakna khel ah amah chanchin leh a thiltuok a hah mat takluot loh ding ahi.
- (5) Thugen chun a ngaihnawp um ding mai ngaihtuoh loh ding.

•••

(6) Na gen guot chuh gen zieng inla, a taka sepawk na guot ding ahi.

(7) Na thugen chun micho (challenge) ding takin gen inla thutanna siem bat zieng loh ding ahi.

3. Bible chang matchak ding khen khat:

- (1) Gen. 18 : 9.. Pathien in Pa pha a etdan.
- (2) Deut. 6: 4 - 9 ... Pate nasep ding (duty)
- (3) I Sam. 2:12 - 34 ... Pa, thil sukhiel, Eli.
- (4) Job 1: 5 ... Pate lunggel, lungput.
- (5) Prov. 1: 8, 9 ... Suongmantam leh Lallukhuk.
- (6) Luke 1: 5 ... In diktak (True home)
- (7) Ephesi 4: 12 .. Inkuon kituok taka chenkhawm thiemna.
- (8) Kolossa 4:15 ... Inkuon sunga Kristienna.

Chamna Aw

DAHNA CHUNGA KIPAHHTHU GENNA



Ka suohipha, Mr. Songkhawgin S/o (L) Lalpu of Phailien, natna haksat mai cancer a anat ziek in, Shillong lam a etkawl di'n doctor kawm ka zuon ua. Shillong a Civil Hospital ah ka admit uh a, mahleh a ki-etkawlna chu a phatchuom theih tak tak loh ziek in, Guwahati apat in In lam ka hun zuon kit mai tau a. In ka hungtun nung un ni sagih ei dampih a, May ni 4, 2016 ni khan a it, a ngaih cheng taihsan in, a na a sep zing sek, a LALPA kawm ah ana chawl masa tai.

A damloh a, Shillong Hospital leh Guwahati a etkawl ahih lai in, Shillong a E.S.C. Sapchuomte leh ei laina, u-le-naute'n sumlepai, thalezung leh apawimawh bangkima nei panpih uh a, chuleh, na thisan uh itlo hiel in na pieu a, na phatnau leh nei deihsaknau haw hi, kei un hun dit seng lo ding ka hih ziek un LALPA I Pathien un aleh tamtak in hun dit zaw hen ti'n deihsakna ka hun hlan hi.

Chun, Guwahati apat a In ka hun zawt unle Jiribam a unaute'n lampi ah nei na dâwn uh a, In ka tun un Phailien Sapchuomte, Muolnuom a te leh u leh nau khuo kieng, khuo kima te'n, sun leh zan in ei chutpih uh a, chuleh, Buongmun E.B.C. Sapchomte'n le apawimawh bangkim ah ei panpih uh a, aluong thâkdawk ni'n le mi tamtak mai kei uh phatna a ka dit sêng lo ding khawp un nei hung sunpih uh a. Kei uh bangmah a phatna nei lo nei hung uop ua nei hung thamuon ziek un, mimal mal kawm a kipahthu gen seng lo ka hih ziek un, "CHAMNA AW" ahin ka kipahnau ka hun phuong uh a, mimal tin kawma ka gên u a, nei na pawmsak chiet ding un ka hun ngen ui.

Krista zala na panpih uh,

Dated: Phailien
8th May, 2016

1) N.V. Lalgo (A u)
2) Thangkhawnem (A zi)

Chamna Aw

a hia, ka lungthim u chuh gi hawihin na sudim a, Krista a dinga na hinna na piek chuh a sawt nai puoh na a, na pa kipahna khawn chuh kipahnan a luong let ahi, Mangpha... Bawinu.... Mangpha... a tia.

“Chibai.... Charlie...”

Charlie chuh a kawma dingin a sam a. ‘Naupang phatak leh kinepum na hia, na nu-le- pa hin milien leh mipha tak a hung khangto dingin ahun gingchau a, na suohpihte hun pha ka piek guolun nang le kahun pieu a kibawl danna deuh a um lele, ze chun nang deihsakna ziek ahi tin ka laa a. Ka theihtawpuh nanga dingin ka suohuh a, Charlie...! A hinla, nei sulungdawng kei u a. A nuom lam ngen na zui a, ka thu na zui puoh a. Na hukdampa sapna la na ngaihtha diek puoh a. A hin la kahun lungsiet zing hi. Charlie..... ka hun lunsietdan hi Pathienin chun a hei, CHIBAI... CHARLIE... CHIBAI....

“Bangzieka Pa? ?

Tichun, charlie chun a pa khut atu a, kinuk kawm kawmin, “Ka suohpihte kawma khan la ‘Mangpha na tia, kei kawm ah, ‘Chibai’ na tih chuh? A tia. ‘A dangte hi zingkala a ka kituokpih kit ding ziek ahi... Chunglama khuh nang hun muh kit ding ka kinem puoha ahi.. Mangpha, Charlie... Mangpha.... Zephetchun, Charlie chu a pa zalkhun sik a chun a khupdin a, lungthim na takin a gitlohma ngaidam ding leh, a pa muh kit kinepna pie dingin Pathien kawma a ngen a... Mangpha... Charlie.... Mangpha....

“Bang natina? Na tih taktak ahi? Lungthim puokzaka na pauchamna chuh Pathienin a he’i. Pathienin hun hukdam in a Charlie. Chibai hita loin MANGPHA, MANGPHA. Ze a gen zawh chun a pa chuh a thi tai...

Ze thu hi nu leh pa khenhatte dinga lungelna a hih khak leh tia Sappau apata kilehdawk ahi.

•••

Chamna Aw

FATHER’S DAY

“**Ka hihkhiel hi, ei hethiem in**” na tih ka hekha puoi...Papa

Family Life Worship a hungkhawm piting leh khanglaite lak ah, dawtna...

“**Na pateu apat bangthu na henuom pen u?** tih dawtna a bawlnau achun, a dawnna tampen chuh, “Ka hun etkawl dan hi kana hihkhiel hi, pawi ka sai” tih hi a dawnna tampen ahi, a kitii. Inkuon counsellorte lungawihlohma tampen chuh “Ka pa’n, ka hihkhiel hi” a tih kaza kha puoi,” tih hi ahi.

Eric Segal, lehkhabu zik minthang tak chun “**hehpihna chun nawh hat a ngai puoi**” a tii. Ziehun a

khangthak haw chuh tuhin nu-le-pa (parents) ahitau a, a chateu pawma, ka hihkhiel hi, khatvei bek ka hihkhiel hi, tite ahitau hi.

“**Ka hihkhiel hi**” tih hi lunghei dinga sapna chikhat ahi. Chate chun nulepa apat azilsawn uh ahi seka, nulepa apat a zildawk dinguh ahi. Kisikna chuh pate dinga bangzieka mamawh ahi die? A mamawh ziek chuh.. Pa hih apha bukim aumloh ziek ahi. Pa kiti phawt hin lungthim natna a nei chiet u a, zietawbang pate chun a lungthim natna suklatna’n midang a suna sek u a, azi-achate leh anulepa a suna sek ui. Tichun, naupang lungna chun a lawileguol teu a sulungna zel sek ui. Khutichun “Ka na hihkhiel hi” tih hi a kalbi lien tak ahi.

Kisikna chuh Inkuon keksie siemphatna dinga panpihtu ahi. Aleh, zie thumal tawmchah, “**Ka**

hihkhiel hi” tih hi bangzieka pate hin tih haks a sak uh ahi?

1. Khenkhat chun mahni pate ngei apat chun a zakha puou hi. Naupang chun, pau, kamsuok, thugen dan leh thumal tampi chuh anulepa apat a zil ui. Thumal nga, naupang chengin a zilding uchuh:- **Lungsiettakin (Please), Ka kipakhi (Thank you), Ka hihkhiel hi (I am sorry)** apa’n zie thuhaw chuh a genloh chun naupang inle genlo ding ahi.

2. Chapona lampi a um, Pa khat chun, “**Ka chate kawma ngaihdam ka nget chun ei zahlo ding ahiu a, pasal huoilo ahi,**” a tii. Himahleh, Pa, ngaihdam ngentu chun a chateu akhangto ui tih a muu hi. Pate sukkhelh hun chuleh chate’n pate sukkhelh ahih a heu a, nuom mawh a sau hi. Hih diklo ka hi tih Pa chun a kihet chun nuommawh a sa a, hihdik/siemphat a nuom hi tih chate chun a heu hi. Ziehin chate chuh hansanna a neih saka, kinepna a neihsak hi.

3. Ka hihkhiel hi tih umzie dang khat chuh – Kisikna lungthim ahi. Pasalte chun thilkhat a hihkhelh uleh ka hihkhiel hi ati sek ui. Himahleh, nungchang kisanglo chun, ka hihkhiel hi tih chuh umzie neilo ahi. Nungchang then hi haksatak ahia, lunggil then vang a haksazaw sem hi. Thuching in... Mihing in nungchang a theng thei a, himahleh

Pathien in lunggil a theng thei hi, a kitii.

Hihtheilo, hihnuomlo chun... “Ka hihkhiel hi” tinuomlo ahi. Kisikna chun Inkuon-kichanauna siesa chuh a siempha a, a suhat a, Inkuon chuh a chalmat in a zawpmat thei hi. Kisikna hih thil haksa tak ahi a chuh patep phawt chun chuh ziltheih ahi.

•••

LAWHTITNA KITI HIH BANG AHIM?



Rev. K. Siemlien

Lawhtitna hih hilchet dan zatchuom chuom um ngei intin, a huopsak dan le lamchuom chuom umthei in a. Dictionary a kizik dan in I tup leh utchak mahmah mudinga pan I laknaa lawhtitna, zie chuh hauhsakna, midang sanga chungnunna, sepna hawlinaa, examnaa lawhting, chun thunehna, lalna haw hih agen hi. Mi lawhtinga I hetteu chun, sumlepai, In leh lo, silhlechen a kineting ua, a sepgim gahteu ne'n nuomtak in a khuosau hi. Amau chuh milopi, vahawma pang, lampi pha he tia I ngaihsan ua, I awchakteu ahii hi. A ettawn taknau atam a, mite ngaihsan leh het ahii hi. Amau le kuo ahii uh a kiheu a, bang lampia chieh ahii uh le a kiheu hi. Lawhtitna sangzaw, thupi zaw, mu dingin theihtawp in pan a lakbeh zel ui.

Khawvel mite ngaih a mi lawhtingte hih ngaihsan um leh thilpha mahmah ahii zing lai in, Pathien ngaihsan leh amah mitmuha mi lawhtingte chuh ngaihsan aum diek hi. Pathien mitmuha mihangsan leh lawhting, na tampi sema, muhsit, gensiet khawksalo a, hangsan tak leh thatak

ginuma dinpih, lungkie zienglo, thadah zienglo a sem ham hamte chuh mi lawhting ahung hiu hi. Khawvel mite'n musit leule Pathien ngaiha mi hangsan leh lawhtingte ahii hi.

Jeremiah hih mihingte ngaiha mi lawhsam tawpkhawk ahi. Kum

Chamna Aw

Chamna Aw

MANGPHA or CHIBAI

Rendered by: (L) Pastor Ngultinthang

Dr. Langdale, Newyork, Kristian sumkawl vei Pathien mitak Karinin kiti a sukkhak, kintak a Hospitala puokluta um chanchin agen a. Dakkal nih chauh hingzo ding a hih dan hilhin a um a. A ginna chuh Pathien leh tunung hinkhuoa ding chauh ah a kinga a. Amah a ding chun thihna chuh khawvel sangzawa lutna lampi chauh ahi. Tichun, a inkawte a sam a, tihin a hopih ta a: “DEIHTAK...MANGPHA” A zi kawm a chun –‘Keia dingin nang hi numei hawihpen na hi, nawpna leh kipahna ah le I kitawn viel sek a. Nang hi ei suthathopen na hi sek hi. Ze chu sakhuo lama ka hinkhuo ah ahi diek sek hi, Pathien Thagau na maia vak chuh tamtak vei kamu seka, Ka zi na hih tunga ka hun lungsietna sang khan, ka hun lungsietna hi a sang deuhdeuh hi. Mangpha Deihtak. Zingkal leh hun mung ka, Mangpha...

“Mangpha..... Mari”

Mari, ka cha masapen uh na hia, na pa kawma na um hi bangti

kipah kahi tam! Na nu na bat mah mah hi bangti tienga kipahum a hi tam! Mari na pan a hun lungsietdan hi hengilh thei ngei puon la. Mangpha... Mari... Mangpha....

“Mangpha ... Will”

Chun, a chapa lienpen lam chu a ngaa, “Will, I in uh a na hung hi vangsakna ahi. Naupang tawm ngai tak nahi. Mi ettawn tak na hi. Pathien leh Sapchuom na lungsietta, zetawbang chapa hi kangai lopi mahmah hi. Kristien kilungsietna leh phatna achun hung khang lien zel inla. Na pa lungsietna leh vangsakna na chang hi. Mangpha.. Will... Mangpha.

“Mangpha.... Grace...”

A bana chu Charlie a hia, himahleh a mah chu thil phalo in a zo a, a nu leh apa a sulungkham a, a subeidawng mahmah a . A Pa thi ding kuon chun a chanu neupen, mel phatak chuh a kawi a, “Gracie, na hung hi kipahna leh nino thak hungsuok tawbang

Chamna Aw

“He nu ka hun lungsiet mah mah hi ati chiet ui” Alungsiet pen chun alungsietna chuh thilhiihin a sulang hi.

Thil him him chuh aihna bang takin I mu thei puou a, I hihna bang tak ua, thil mu I hi zawu hi. Thusim khat vak genkhawm hi tiu. Mi chingtak khat hi a khuo pang u ah ana chu a, Khuolzin vakviel mi khat hi ahunga, “Ka chenna khuo akipata kipem dawk nuom a chenna ding hawl ka hia, Zie khuo ahin bangtawbang mi a cheng um?” tin a dawnga Mi chingpa chun “Na khuou a chu bangtawbang mi cheng ahia em?” aleh tiha. Khuolzinpa chun, Ka khuou a chun, mi gilo tak tak leh nunsietak tak ngen a cheng ui” tin a dawng hi. Mi chingpoe chun le, Kei uh khuo ahinle Nanguh kawma mi tawbang ngen chu mu ding na hi? A tih sak hi.

Hun chawmkhat zawhin midang ahung kita, “Ka khuou akipat kipem-dawkna ding hawl a hung ka hia, Zie khuo ahin ma bangtawbangmi a cheng um” tin, dawtna kibangmah a dawnga, amah chun Nanguh khuoa cheng tawbang ngen zie hin a cheng

ui atih sak kit hi. Khuolzinpa chun a dawnna chuh, “ka chenna khuou a chengte chuh a pha thei ua, a ching thei mah mah ui” tin a dawng hi, ziephet chun mi chingpa(wise man) chunle kei uh chenna khuou ahinle, “Nanguh kawm a cheng tawbang ngen chuh a cheng ui” tin a dawng kit hi. Khawvel chuh aihna bang takin I mu thei puou a; eiuh hihna bang bangin khawvel chuh I mu sek ui.

I hihna bang bang ua khawvel mu I hih uchun, Migilo chun mi cheng chu mi gilo danin muntin; Mi pha chun mi cheng chu miphap bang a mu ding ahi.

Midangte nungchang I sulam-dang thei in, I thengthei ding u?

Mi dangten eimuhdan uh ahim, Mi dangte nungchang chu ei mau deih danin I sulamdang thei puou hi. Himahleh hun tamzaw ah, mi dangte nungchang leh tawih dan I muh dan dungzuin a chung u ah suklat I nei chiet ui. Ei mau nungchang I kithen theih ua, eiuh kitheng leu hin, eiuh kithenna chun midangte nungchang thuzawh in a hung kitheng thei ui.

•••

Chamna Aw

40 sung vingveng Judate chunga Pathien phat zie leh kisika Lalpa lama a vahkit loh ua ahihleh a chung ua Lalpa Pathien lungnatna huoisie tak tung ding, suokchalo ding ahih dan uh a gen a, mahleh a ngaihsak nuom puou hi. Jerusalem a khuopiu ngei le, a kisik loh uleh Lalpa’n susie ding ahih dan leh a chung ua sietna huoisie tak hungtung ding ahih dan le nasatak in a gen hi. A limsak nuom puou a, zie malak chun thah a guou a, lei kawhawm sung, thuktak ah a khielut ui. Buonthuok lak ah nek ding bei in a kawih ui (Jer.38:9-13). Ama’n vang lungsietna nei tak in, kap kawm kawm in, avel avel in thu a gen a, mahleh kuoma’n a ngaihsak puou hi.

A hinkhuo pumpi’n Lalpa a dingin amah ngawn in ading a, thiempute, lengte, thiengaute, amah Insung mite, a goulte leh midang dang in theihtawp suoh in a do ui. Mahleh ama’n Pathien lungnatna huoisie tak Judate chunga tung ding chuh a gen zel hi. Kap kawm in, lungsietna nei tak in, amah lam haksatna, muhsita umna, muhdahna, gensiet ahih lam ngaihtuoh lo in, Pathien lungnatna huoisie tak a chung ua tung ding chuh a pumpelh theihna dinguh ahihkhak leh ti’n theihtawp suoh in a pang hi. Khawvel mite mitmuh in vang Jeremiah hih mi lawhting tih theih ding ahi puoi.

Mahleh, Pathien mitmuh leh etdan ah Jeremiah hih mi lawhting tawphhawk ahi. Pathien ngaiha mi lawhting hihna di’n thu-awihna, ginumna apawimawh hi. Lalna sepna ah, ei do ding melma tampi um intin, channa ding le tampi um in a. Jeremiah guola hangsan tak leh ginum taka Lalpa ei sawlina banga chanchinpha gen zel ding ahi. Mihing in ahun dem ziekin, Pathien hun dem ding gincha ki’n.

Jeremiah hin sap aihna ah a ginum a, melma leh themtu chuoem chuoem aum lai inle buoi lo in, sapa a umna, hangsan tak leh ginum takin a sem zel hi. A thugen a limsak loh ziekin, a lungkie mai puoh a, Jerusalem siet ding thu a gen a, a gen guol ngei in suksiet in aum pai ngal hi. Jeremiah guol in ei uh gingtute’n le Lalpa thupiek, hangsan tak leh ginum taka phuonga, Lalpa etdan leh mitmuh a mihangsan, milawhting hiding in panla chiet hitiu.

Pathien nasem, thugen hi ngal, tahi leh pan thuohlo in, ginum leh hangsan takin gen hitiu. Mi ngaihnawp ding zawng, phasak dana, akilawm mai a gen lo in, kilunghawlna, maipha hawlna’n mang puoi tiu. Lalpa nasem hingal, a kihdak leh a tihloh zawng in a thu gen in, a na sem khai tiu. Khawvel mite mitmuh a mi lawhsam tawphhawk na hih zing lai leh

Chamna Aw

beidawnga, lungkie taka na um lai inle, mi lawhting tawpkhawk hiding in lampi aum nalai hi. Khawvel mite

•••

muah a lawhsam mahleh Pathien mitmuh leh etdana mi lawhting pen hidingin Lalpa'n hun vangsak hen.



-Rev. L. Sata

THAGAU LAM PUITUTE

Thuthak lakhawmtu kawma chun mi khat in zie thu hi ana gen a, "Khawigam ale sumkawlveina mun leh sorkal ale mifel leh kitup taksapna lientak aum chu uo" ti'n Ford Foundation a Vice-President, Dr. Caroll chun ana gen hi.

Zie thu hi Sapchuom sung ale dikzaw diek hileh akilawm hi. Dinmun sangpen mai hilo in, a thuksuk lamtak sandei skul sinsaktu tiengin, kaihuoitu taksapna sangtak aum hi. Ahi'n la, Sapchuom a nasem dingin khanglaite hi thiemthei takin ana siem in, ana zilsak hileh dinmun sang luoh ding mi taksapna umlo thei ding ahi. Thagau mi leh puitu pha hih Sapchuomte mamawh lienpen chuh ahi. Zie tawbang mi, numei hileh pasal hileh siemdawk chuh ei haw lak ahin Sapchuom nasepna leh chanchinpha nasepna dinga sepawk lientak hiding ahi. Khawigama um in, bang nasem hileu hingle, zie nasep pawimawh tak hi I hih tei dinguh ahi. Tulai khawvel huosie tak ahin hun lemchang leh mawhpoukna sukpititna ding ahin Sapchuom hinkhuo a

mamawh lienpen chu puitu fel ahi mai hi.

Mi khenkhat gendan chun, "Puitu kiti hih pienpih ahi," a tiu hi. Himahleh, midang chun, "Puitu tamzaw hi pienpih sangin siemdawk or zil or sinsakna apat ahi zawi," a ti kit ui. Mi tamzawte hi thilhihtheihna tawmcha nei himahleu hing I khanletnau in zil leh chuh milopi tak hiding ahiu hi. Khuti ahih chun Puitu/hotu chuh thupi lien zaw a gending hileh zildawk or muhdawk ahi tih hi pawmtak zaw ding in akilang hi. I thilhih dawk theihna leh I thiltuok haw hung kizawm khawm in, puitu dinmun chuh hung kisiem ahi chuh. Bang nasep hitalele Kristien ansepna ding achun a tehna khat amamawh aum a, zie chuh ahihleh amah hinkhuo leh a thagau lam

Chamna Aw

Alehlam ah ei gaih ding uh ka lau ngala. Kei Chula piting khat danin ka kinga, ka pa ei tih dan chula katung thei puoa. Bang hileh ka deihdan taka zalen taka um chu ka nuom hi. Bangtin umleng ahi thei die?

Atheih danana na pawimawh na kihawl ding tih na pan agen chuh adiklo leh aphalo bangmah aum puoi. Insung dinmun haksatna, sumlepai kitinlohma zieka mimal tin in theih dan dan a, ei mah mat ding kingaihtuoh a kihawl chuh thilphah ahi. Boarding/Hostel a um a mi huonsa nek a, bangkim aumsa sen leh ei mah buoipih ngailoa mi chawmsa a um chu nuom tak ahi. Hindan thak a hin chu ahaksa ding mawng ahi.

Thil khat kichien mah mah chuh, Na PA hun sawlna chuh zui pan leh chun hun panpih mah mah ding a hi. Na lunggel na thena na pa thugen chu zui dinga pan na lak chun alampi hung kihawng ding ahi. Nanga pata pawt ding bangmah umlo ahim, Pan na lak guot loh chun, Pawlsawm tieng zo na hi ta a. Deih leh pawimawh tam ahih ziekin, Na pawimawh cheng cheng na pa'n hun piezo lo ding ahi. Kitodelh dan ding lampi na hawl angaia, nang a kipata bang a him tieng bek a pawt theih a pawimawh ahi. Lungkielo in kipan in.

GENTHAWHSANGIN
NUNGCHANGIN ATHUAGEN
NGEIH ZAWI

"Naute thu mai in kikehpih puoi tiu khai, lei mai inle kihehpih diek puoi tiu; thilhah leh tihtakzet in hi zaw hen" (I Johan 3:18).

Inkuon khat a hin Naupang Pasal thum aum ua, School kai chiet ahi tau hi. Mr. Steve chu school kai hung tunga, Anu chun Nek ding thingpi phatakin ana siem sak hi. **Mr. Steve** chun '**Hen nu ka hun lungsiet mah mah hi**' tin Thingpi nektheih ne-le dawn zoin a taihmangsan kei tai. Ka nun'n ka puon ei nawtsak intin bangkim ei hihsaknan a tin avak dawk hi. Zie zawh chawmkhat hal chun **Mr. John** chule In ahung tunga a nu kawm ah, '**He nu ka hun lungsiet mah mah mai**' tin neledawn chu a zo a taihmangsan kit a nuom takin aum hi. Anunungpen in Mr Paul chu In ahung tunga Anu kawmah '**He nu ka hun lungsiet mah mah mai hi**'. Zieziekchun, tuni hin hun panpih ingka ting, a pawimawhna chenga hun kithuohpih ding ka hi tin anu chun apanpih tai.

Nitak ahung hia, zalkhun ahun zuon chiet ua, A bawn u chun '**He nu ka hun lungsiet mah mah hi**' a ti chiet ui. Anu chun amah lungsietpen chuh kuo ahi dem tih hekhen thei in a maw? A bawn un thu kibang



NEI PANPIH THEI DEM?

Rev.Thangkhsiem

1. Bangzieka Nulepate hi Chate chunga khauhtensek ahiu em?

Bangpen ziek a Nu-le-pate hi a chateu chung a khauhten sek ahieu em? Kei uh khanglaite(teenagers)te hin kipahna ding ka neih u hi helo ahieu em? Kei chu ka Insunga ua chapa changkat a neihsun uh ka hi. Numei kuo hileh lawi-le-guol a ei neih guophawt chuh ka nu-le-paten a delhdawk zel ua, zie mai chu hiloin ka lawite phawt amu nuom puou a,ka lawite chung ah aphalo mah ui. Ka suohpih numeite Chula kei sanga phalo zaw ngen ahieu a,bangmah agen puou a,ka khawp tai. Bang kati ta die? Nei panpih the idem?

Na lawileguote chunga lungawilo leh mawkhaphatloh ahih u chun; Nu-le-pate chun hihkhiel ding ahieu hi. Nang nu-le-pate guol mah chun midang nulepate le akhuti bang chu aum tho hi. Zie chu bangkim a nangguh ahun venbit nawpna ziekukh ahi dem tih na ngaihtuoh kha ta? Sietna laka na puklут khak ding alauhna ziek uh ahi dem tih na gel kha tam?

Insung nuom a chun, chate chu zallenka bangtieng ahim bek piek leh a neihuh ngai ahi. Na hetngilhloh ding khat chuh:- Na Nu-le-pate chun ahun lungsiet mah mah ui. Na hinkhuo pumpi a dinga a phapen hun deisaktu chu Nu-le-pate ahi zing hi. Zieziekchun, Nulepate chunga lungnamai ahim, muhdah mai guo hielkin, Thil bangkim na chiehna ding, na lawipawl ding thu

ah, School/College na kaihna ding tieng ah Nulepate deih dan dawng zingin. Thupukna na neihsa haw hetsak(information) pie mai mai hi hiel kin, hihkhiel kha ding na hi. Nulepate tawh kihetthiem tuoh ngei ngei ding ahi. Nulepate lem-sakloh chu a ziekbei umlo hiel ahi tih he zingin.

1. Zalen taka um ka nuom hi: Kei chu khangdawng kum 18 mi chauh ka hia, Pawlsawm ka passed tai. Masangin Hostel ngawna khawsa ka na hia, tuhin ka nulepate tawh ka umkhawm tau hi. Kei a dinga haksa mah mah chuh, Ka pa'n "na pawimawh ding sumleppai na theih dan dan a na kihawl ding ahi" Mahleh zie bang a hinkhuo hunpat dan ding chuh ngaihdan ka nei thei hiel puoi.

hinkhuo chuh bang tawbang ahim tih ahih ding ahi. Zie apat hin thilnh in vak en leuhing, ei mau mimal apat etsakna leh midangte bangti'n I sinsak em tih ahi. Kristien hotu diktak chuh bang tawbang dinmun nei ahim tih enhien masai tiu le. Amah chu Thagau a piting, ginna hing nei, thagau a dim hinkhuo nei mi ahih amamawh hi.

Thagau a piting:- Amah chuh gingthak tung, a mawhpukna dinga tasam, hetna haulo mi hilo ding ahi. Zie hi mi tampi'n a ngaihthah nuom ten sek ui. Patepna leh haksatna tuok khalote chuh Pathien in thagau lama mawhpukna leh puitu hihna pielo ding ahi. A dinmun kisuonpih ahim, chapopih ahim, itthikna nei mi hilo in, Pathien a dinga kikawihthien-thona etcheta, adik ngei nai tih leh amah a hetchetna nei mi hiding ahi (I Tim.3:1-9; I Pet.5:1-9; Tita 1:5-9 en tie). Amah thu, kideih tawk chauh deih, lungna pai zieng hilo in, nunnem leh midangte ngaithiem thei, mi limbawl thei, ahun leh mun zila kitheng thei, midangte panpih nuom leh sinsak thei, hindan mawl leh ngaihnat um mi, thuneih leh dinmun utcha hilo ding, zie haw cheng bana chun mimal lawkna hawlo, thulai he, deihchuom, huihchuom neilo, mithak, gingthak hilo hiel ding ahi chu!

Thagau a piting et ding dan chuh:-

(A) Hinkhuo detdo, zie hih et masak pen ding ahi. Dinmun det, sukbuoi loh, lung-awihlohnna neilo, lungthim detdo. Zie haw hi vak enhien hitiu le!

(1) Hinkhuo detdo, lungthim kitup, a hinkhuo pumpi, a taksa pumpi kichien taka Krista thuneihkhum sak thei. Amah a hitalo, mana chawksa ahi tih kihechien leh Krista a ahi tih kihechien mi. Zie hi abulning leh amamawh pen chuh ahi.

(2) Lungthima sukbuoi loh. Na lunggil uh lunggim kiheh, tunung, thil ding hi henla, nasep ding ahim a semtu ale kisukbuoi loh ding ahi. Pathien lopina ataka hechien ngei, a vaihawmna chuh thudik a kinga (Isai 9:6) ahih ding ahi. Zie hin bang tawbang pheta thamuonna atun ta dem?

(3) Lunghihlohnna neilo: Kei a lung hihlohnna neilo chuh mi vangpha ahi. A hinkhuo a Pathien puihna a phunchiekna neilo leh lungthimpha nei mi tihna ahi.

(4) Lungthim detdo. Agah chuh sunongpi tawbang, lungnieng, kingakna tak. Nas. 20:24 ah Paul in a thiltuok ding, sukgimtheihna leh kawlbud ding hi zieng lele zie haw hin a sulungkham puoi.

(B) Thagau a piting tiemtehna nihna chuh Ginumna ahi. Taksanumna,

Chamna Aw

a kitemna feltaka subuting mi, a nasepna ahun taka semdawk thei mi ahih ding ahi. Zie haw hettheihna ding chun Joseph, Mosi, David leh Daniel te haw hi thil neucha ale Pathien a dinga ginum, thil neucha ale ginum ding dan hesa, Thagau a ginum mi ahi.

(C) Thagau a piting tiemtehna thumna chuh khawsakna nei mi. “Na lungsietnau chuh hetna diktak leh chitna bukim tawh ahung khanlet theihna dingin ka hun ngetsak zing hi” (Phil.1:9).

“Na chanchin uh ka zak u apat nang-haw dinga paucham leh hun ngetsak ka hai puou hi” (Kol.1:9).

“Mose chun, “Na mit ka tun ngal chun, nangmah ka hun hetchet theihna ding leh na mittunga ka um theihna dingin, tuhin na lampite chuh lungsiet takin ei kawkmuh in.” (Pdn.33:13).

Zie tawbang chitna leh ngaihkhwakna nei mi hih I mamawhna maizen ue! Amamawh he a, Pathien kawma a taksap, chitna ngek ngam mihing I mamawh ui. Amah a kipietheate chuh Thagau a puihuoi dingin a kitem hi. Ama’n hun puihuoi intin, kei apat in kilak intin, Amah chun Thagau a ngaihkhwakna hun pie ding ahi. “Na mipite ka vahawmsakna ding ahin asie leh apha ka khentheihna dingin

chitna lunggil ei pie’n” (2 Leng.3:9) a tih hi I mamawh zing sek ui.

Midangte hi Thagau lama ngaihkhwakna nei dinga sinsak ding I hih chun amau kisonna ding hun lemchang I siemsak tei tei dinguh ahi. A nitin hinkhuou a nasepna leh a buoinau a panpih ding, Bible chang haw I piek dinguh ahi. Khuti a chuh Bible chang I et ua, avak chuh I hawl u chun, Krista lunghim nei thei chauh ding I hiu hi. Tichun, Thagau a pititna chuh Pathien thu ngaihsak, paucham mi, amah thagau thunun, hehpihna leh ngaihtuohna kitup haw a chuh ni chenga kilang ding ahi.

A.E. Norish thugen 10 te:-

1. Puitu lienpen chuh Krista ahi a, hilele, mi hetpih a phut puoi.
2. Puitu pha chun, demna hi a pawmthiem sek hi.
3. Mipite’n ngaihdan a neihteungam tak in I kawm ah a gen thei um?
4. Vaihawmna mun ah a ngaklah in I pang sek em? I thuneihna chuh thagau a nunnenma tawh kithuoh a suoh ahi sek em?
5. I nuoiate thuneih khum zieng guo sek I him, ahihlohleh, siempha a, sektuoka sinsak I guo sek em?
6. I nuoiate thuneihkhuma ding hawl I him, ahihlohleh amau mihihna apat dawpsanga panpih I guo sek em?

Chamna Aw

Lalpa Pathien kieng ah kipah thu kagen hi, kidona chuh zo ding ka hitai tin awl mawh lo hiel in agen hi. Alawipa ngaih tak Duke of Norfolk chun lawipa, lengte tawh kiniel alauh um hi, alung uh anat chun thih theihna ahi tih ava gen sak hi. Zie phet chun Aman le; Zie chu ahi nang leh kei ki batloh na chuh, kei chuh tunin thi tang kating, nang awllam leh hung thi ding nahi tin agen hi. Azi ngei in le, Leng deihna banga na um a, zi leh chate tawh Chelsea khuo a, I in ua nuom tak a I um khawm uh phazaw lo ding ahim? Zie tak suongkul nin leh namsie tak sunga sazu leh tik haw tawh damsung namat sang in, Bishop dang te gen bang hin gen leh chun himai ei ve !! Thomas More in azi kieng ah. Zie tak mun hile ka in tawbang in kangai a, ka van in chuh zie a pat hin nai chah hilo ahim? tin awlmawh lo hiel in agen hi. A ta’nan Tower House sung a chun Krista adin lung awitak in agawl adawha, Achanu Margaret Roper in Apa lu a va ngena a vui hi.

Ginna ziek mah in Noah, Isak,

Abraham, Jakob te haw khan le amau hun in thutep chu tungzieng ding hilo mahleh gamla tak a pan in ana muu a, zie lei hi khuolzin na gam tawbangphet ahih dan a na gen ui. Amau haw guol in Ginna a mihangsan tamtak ten le, in le lo ana chantau hi: Apawt san sau gam chuh a lunggulh kit ta puou hi. Lunggulh kit kit hi leu chuh vahkit na ding hun khan nei ngei ngei un au tin Bible in agen hi(Heb. 11:13-16). Alunggulh uchuh “Gampha zaw” tih hi ahi. Gampha zaw neite ading in zie gamchuh khawvel apat hin nai chah ahi tih a he thei ui.

Mission field a pasal, zi, cha leh naute vavui chuleh mission field a um sunga in lam a ngaih tak tak te vui phalo a sun te leh mitthi thiuk sekte, Lalpa’n khawvel hung tung zel ding chauh hilo in tu dam sung zieng hin le a thawn in kawih puong ka a ti (Mark 10:29-30). Mun tin a Missionaryte leh simtu cheng cheng Lalpan malsawm taken, Amen.

•••

CHAMNA AW PHUNGVUKTU KIBEHLAP

Zie anuoi a te hin Pathien vangsakna sum le pai achanteu mangin, kipaktak leh deihsak takin Chamna Aw ahun phungvuk ua, achung uah Pathien min in kipahthu suklat ahi. Lampi tin cheng ah Lalpan vangsak in amau pui zing hen. Amau haw chuh:-

- | | | |
|---|----------|----------------|
| 1. Langol, ESC | - 5000/- | Chief Patron |
| 2. Pu Lama B. Gangte, Langol | - 3000/- | Diamond Member |
| 3. Agape Children Eng. Jr.H/S.
Ithing, Moirang | - 2000/- | Gold Member |

Chamna Aw

hi ta puon au. Himahleh hitihin agen hi, “*India is my home, I hope to be here and continue to serve the needy*”. ‘Lalpan chagah in ei koih puon tin, eidote kangai dam a, Isu lungsiet na thu hih India mipite’n heleu ka nuom hi tin, apasal sepban azawm zel hi.

Taksan na a mi thupite khan le a pawtsan sau gam khah a tha ngaih kit ta puou hi. Lung a gulg kit hileu chuh kileh kit na ding hunkhan nei ngei ding ahiu hi, tin Bible in ana gen hi (Heb. 11:15). Sapte mihausa L.T. William kiti hi millionaire ana hih lai chun a sum neih lak achun Dollar 8,00,000. Chuh Pathien ah ana piei. Himahleh hun hung chieh zel in buoina ahun tuok to to a a businesss a lawh sam ta a. Atawp chun chagah naran mai in ahung khawsa kit hi. Zie lai chun alawite khat in, entie Pathien a ding a na na thawh Dollar 8,00,000. Bek khah um hileh tin na gel em tia, kisik ding awm tak a a holim pih lai un aman hitihin a gen hi, “Hiti guol a hung chagah kit ding kahih lam ana he leng chuh abawn a khah Pathien ading a kana piek ding ahi”. Pathien tawh ki dawr khate aki sik ngei puou hi.

Thingtangmi pasal pha Dr. Rochunga Pudaite hile Indian Prime Minister Nehru ngei in le Solkar na piekding a atiem. Shillong a Assistant Political

Officer Dr. Elvin, Government Advisor for Tribal Affairs tawh Pathienni nitak 6:00 p.m. a kimu dinga asawl ahi. Pathienni nitak thugen a pang chuh in ah Bible vakoih leh vaigei ding ahih ziek in, Bible chawi pum a Advisor pa a va kimuh pih leh, amah chun Bible ana hawten hiding ahi a, na Bible pum in North East ah Solkar na sem theilo ding na hi atih leh. Aman le ka Bible umloh na a chun kei hile bangmah a mat theih ding kei puoi tin bawngtawng tak in akiho mai ui. Ain kuonpih te chun Officer thupi tak ahih kal angak lah ding utawh. “Ka Bible ka chawi thei naw dingchun ka sina inthawk in kan ban nirawse.”

Solkarna sem nailo a Bible ziek a hung ki resigned chuh ahi zieng hi. APO chun ana pang leh An huon ding suok piek hin tin, suok nih leh gari driver nih piek hintin, in lien tak piek hintin mi thupitak hiding ahi. Himahleh atih kuon chan in Dr. Pu Rochunga Pudaite, Government Officer lientak ana hihloh kisik thu zak ahi puoi. Chuleh Damsunga dinga ana tel, Pathien na sep a kisik thu agen lam he I um puou hi.

KINEPNA KHAT ANEI UI: Sir Thomas More chu aginna ziek in mat in a um hi. A ginna akilep san leh hing ding ahi. Amak pan le ana them sek a, hitihin a gen sek hi.

Chamna Aw

7. Pathien apat kingaihniemna I sung ua na a sep chun, I sep ding cheng, I sep zawh tieng lele sep ding dawl mawng sem I hih kihedawk in, suok phachuomlo ka hi tihna lunggil a pieng sek hi.
8. Puitu pha chun belampu lungthim leh ngaihkhawkna
9. Puitu pha chun a hinkhuo a kipalna neite chuh lungsietna lungthim leh panpihna khut in a kaihuoi sek hi.
10. Kingaihniem leh lungsietna hi puitu thagau mi tiemtehna ahi.

•••

BANGZIEK A MISSIONARY **HILO KAHIM?**



Evan. Paukhomang, Secy. CKKP

Tuchung Missionary Conference Date 4th – 7th February, 2016, Chiengkawnpang a missionaryte report Arunachal Pradesh, Sikim, Bhutan, Madhya Pradesh, Punjab, Trupura, Ithing leh Assam gamte apat La hileh Thu hileh ban nei taka Gamthim a I nasep gah teu suklat ahih lai in Lawp nan ka dim hi. I gam thim na sep nau Lalpan avang sak hi tih ka mit tak a kamuh lai in Missionaryte ka awt cha a, ka lung thim ah dawtna lien tak ahung um ngal hi. “Bangziek a Missionary ana hilo kahim?” tih hi ahi. Achang leh Pathien kawm ah kana tha sie thim thim sek hi.

MISSIONARY HIH KANA UT

DAN: 1997 kum in South Indian Baptist Bible College, Coumbatore ah Bible zil din kana kuon hi. College ka tun nung tha thum le bei nai lo in Missionary a kuon dawk kit ka hung ut hi. Ka thu het leh muhthe haw chun ka lunggil ana thu zawh mah mah dan ahi. Pathien kieng ah ka paucham sek a, himahleh dawnna

bangmah ka mu puoi. Atawp chun ka lawite kawm a ka gen leh, khuti bang chun zie Bible College apan hin Missionary a kuon ana um kha ngei tai tih a gen ui. Atawp chun, Dama ka um zel nak chun zie sanga thil thupi leh phazaw Lalpa’n zie college ahin ei muh sak zel ding ahi tin ka kithembih ham ham a, Bible chuh kazil zawm hi.

Chamna Aw

Bible ka zillai a Degree ka min ban a kawih ding a ka deih pen chuh B.Th. ahi. Kum li ka zil zawk a kum khat ka zil beh leh B.D. degree eipie ngal thei ding ahih ziek un kazil beh kit a tuhin ka min ban ah B.Th. Kazik thei tapuoi. B.D. graduate ding kum hin, Library ah "The blood hunter" lehkhabu kasim leh Cambodia gama ei uh mel tawh kilo mah mah Dawnkai saupi pi a vaizu chep, Akmul ki awh a, siel leh vawk a ki thawi limte ka mu kit hi. Zie chun Cambodia gam zan bang zah ahim ka mang mat get hi. Tichun Khat vei vei leh Missionary kana kuon dawk sek in zie chula manglam ana hi sek hi. Principal pa kieng ah ka graduate tieng missionary a kuon ut ka hi tih ka gen leh, na ut leh Lehkha zik inla nusieh in tin ei gen hi. Kenle muong chang taka Pathien nasep ka ut dan ka ho lim pih zawk nung in lehkha chuh ka zik a ka nusieh ngei hi. In tun kit nung chuh sum leh pai haksat ziek in Field nai haw nasan pha thei lo in, khum bichilh in ka um tai. Khatvei chuh Arunachal pha ding in sum tawmchah tawh ka vaikuon dawk hi. Gamgichin Innerline Permit check na mun BANDAR DEVA katun un chawmkhat set bus achawl hi. Chun newspaper zuok ahung a Arunachal Times, Friday, July 13, 2001 Isue khat ka vak chawi. Headline haw chuh

kavak en zawt zawk a. A front page ah, Itanagar police bursts burglars gang, nabs 12 and revovers stolen goods: kiti vel lak kasim lai chun Gang lawi upa lak a chun GANGTE APPE S/o (L) Gangte Tashi resident of Ganga kiti hi ana um a, zie chun ka lungthim aphi dut hi. Amau chu aman ua thu dawtna abawl zel nau achun, gucha dang gup mah amat beh kit ui. Zie lak a chun le Gangte khat a tel zel hi. Amah chu a hih leh GANGTE SALMAN ahi. Amau apat van Rs. 100000/- (Lakh khat) man muh kit ahi tin News chun agen hi. Arunachal gam achun Gangte te chuh nam changkang lam ahi puou til ei muh chet sak hi. China boarder lam a um Gangte te chun buh atuh ule le mawlh zum a akhawh thawh ua, buh chi khiak ahi atiu a, a chen nau gam lailung lam chuh Itanagar apat nthium lam bus a chieh ahi a tiu a. Tichun kei le Tucha buhtuh nading tampi keng in kamang lam in inkuote veh chun kana kipan kit nawn hi. Nahallagun achun Gangte Tatup of Leel Village, P.O. Sangram, Disttict Kurungkumly ka ki muh pih ngei a Pathien he nailo Gangte te chanchin ka ho limpih hi. Himahleh Lalpan Missionary khat ding in kawt ei hawn sak puo a, ka ma aveng thei him him puoi. Mission field chu manga va pha thei ham kana himai mah chu e !!!

Chamna Aw

LALPAN A GUOT BIKTE: Lawileh paite Nepal gam leh Bhutan gam a a hinna phal a ana kuon dawk tunichan a dam nalai ten agen dan u chun, Pathien gam a dinka martyr a thih hi micheng cheng ading ahipuo a. Autcheng Missionary hih zieng theih hilo ahi. Pathien in a guot ngallo chuh.

Oswald J. Smith hile missionary ut mah mah Pathien in a phalsak loh ahi. Khatvei chuh India gama missionary ding in Presbyterian Board of Foreign Mission ah interview a va bawl hi. Mahleh Board ten a deih puou a a fail chuh ahi mai hi. Azawh kum li nung in mahni ut thun Africa gam ah Dr. Thomas Lambie tawh a va kuon ui. Nichenga sakawl chunga miles sawmthum vel zin sek ahih ziek uchun a chau mah mah a, chawlhkal gup hiel khawhelo a, gamlaka zalkhun angak nung in In lam puoktung in aum hi. Zie phet chun Missionary ding a hung fail thu leh Board ten Missionary ding chi a ahet loh uh ahung ki he dawk deuh hi. Missionary hih ut mah mah pa chuh chawmkhat nung chun 1988 in Solomon Island gam a misanate (Cannibalism) te lak a chanchinpha gen ding in ana kipan nawn hi. Zie chunle agam angeih puo a, Malaria ahun nei a, zawngkhal mah mah in bang mah sem thei talo in a hung um kit hi. Agim deuh deuh phet

chun NORTHCOLE DEREEK leh Missionary dangte pan lak nan kuong in In athak tung kit ham ham ui. Tu'n chuh Lalpa'n akuon ding a aguot ahih loh aki he chien a. Toronto People Church ah Pastor na sem in Missionary sawl dawk tun apangta ahi. Suohpihte, mi kimkhat te gam dap ah, Thosi, thovai leh climate kibanglo tak tak gam hksa a zileh chate tawh Lalna sem a khawsa zo ding a Pathien in aguotte bang tin awtcha lo in I um thei dem? Alawm man ding uh thupi dan hezing ngal in.

KISIKAUM NGEI PUOU: Orissa gam a Australian Missionary Stanes Graham leh achate nih thah ahih masang uh 1998 kum hin India gam ah Christiante attack na mun 116 ah atung hi. Adiek in Orissa le akhawkna gam pen a tiemteh ahi. A chate Philip Graham Kum 10 leh Timothy Graham Kum 6, michuh 23rd January, 1999 zan 12:20 a.m. in Dara singh leh alawi ten ana that ui. Zie zawk 1999, May, tha mah in Mrs. Gladys Stanes chuh Australia a um A pienna nu May Weatherhead kum 79 chuh athi kita, mahleh a ginna sukling in aum puoi. A pasal leh a kineppih a cha pasalte nih um loh nung chun a chanu neih sun Esther Joy tawh ahung kipat nau gam a chun kileh kit guo leu le kuo mah awihmawh